



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Sacrum Sanctuarium Crvcis Et Patientiae Crvcifixorum Et Crvciferorum**

**Bivero, Pedro de**

**Antverpiæ, M.DC.XXXIV.**

Emblematica Imago XXV. SS. Marci, Marciani, Et Socior. Crvcifixorum  
Explicata.

[urn:nbn:de:hbz:466:1-47616](https://nbn-resolving.org/urn:nbn:de:hbz:466:1-47616)



*Crux mentem haud satiāt; variant tormenta Tyranni.  
25. Quidlibet ut variant, Crux tamen istud erit.*

Gg

MANUEL  
VICIS  
E. P. I.

8



SS.



mis  
xi,  
fixi  
tyr  
rea  
ma  
tier  
ci  
fen  
cer  
dit  
co  
fer  
cu  
lap

G

**S**ANCTI Martyres MARCVS & MARCIANVS sanguine & spiritu fratres, cum Sociis, imperante Maximiano, variis sunt affecti suppliciis; vna pars addicta flammis, altera in mare præcipitata, nonnulli capite plexi, MARCVS & MARCIANVS recto corpore crucifixi, inuerso capite alij crucibus adacti sunt. Martyres siue recto siue inuerso corpore cruci inhæreant, semper stant: quoniam ad CHRISTI formam & similitudinem crucifiguntur. Nescit patientia ruinam, crux CHRISTI casum ignorat: cruci affixus semper stat, statumque suum vir patiens semper conseruat. Consonat his S. Bonauentura dicens: *Seruum Dei crux defendit, comprehendit & ostendit vitam rectitudinis.* Quos nos habemus antipodas corpore inuerso primo aspectu, primo iudicio censemus; sed cum res se aliter habeat, & re ipsa nobiscum stent, in prima illa censura planè nostra mens lapsa est: omnes quidem recti stamus, quoniam in

Euseb.  
Martyrol.Sympathia  
Christi  
crucifixi  
& crucifixo-  
rum. Ar-  
tisticum  
consti-  
tia.

vno eodemque terræ globo versamur, & celestem orbem eodem modo spectamus. Cernimus, itaque rectos MARCVM & MARCIANVM, Sociosque universos in effigie contemplamur, sed Martyres omnes recti re ipsa sunt, vel ex eo maxime, quod vna & eandem IESV CHRISTI crucem ferunt, & eodem crucifixum respiciunt atque sectantur. Sic *Phil. 4. 1.* in Domino, charissimi. Iterum Paulus 1. Corinth. 15. *Stabiles estote, & immobiles, abundantes in opere Domini semper, scientes quod labor vester non est inanis in Domino.* Accedit & Augustinus Serm. de Decoll. Ioan. *procella tempestatum fremuerit, stabiles estote in Domino. Nolite ab ipso cadere, qui semper stat, & pugnantem respicit, & adiuvat nos, ut stantio & pugnando vincamus, & tunc demum coronandi veniamus.*

CRUX MARCI, MARCIANI, & Sociorum,  
Crux magnæ constantiæ.

*Instru-  
tum artis  
bene vi-  
uendi.*

**A**Rdua res est statum hominis mutari, & hominem non mutari; res difficilis, sursum ad deorsum omnia verti, & hominem semper stare, sibi constare ac non perverti. Confirmat Ambrosius lib. 1. Offic. cap. 38. *Quid tam difficile, quam de spectata tamquam ex arce sapientiæ opes, aliaque omnia que plerumque videntur magna & præcelsa? Deinde, ut iudicemus*

tuum stabili ratione confirmes. & quæ iudicaueris leuia,  
 tanquam nihil profutura contemnas? Deinde, vt si quid  
 acciderit aduersi, idque graue & acerbum putetur, ita fe-  
 ras, vt nihil præter naturam accidisse putes, cum legeris,  
 Nudus sum natus, nudus exibo, quæ Dominus dedit, abs-  
 tulit. Et vtique filios amiserat & facultates. Seruesque in  
 omnibus personam sapientis & iusti, sicut ille seruauit, qui  
 ait: Sicut Domino placuit, ita factum est, sit nomen Domini  
 benedictum. Confirmat quoque Augustinus in Psal. 86.  
 Attendite similitudinem quadrati lapidis; similis debet esse  
 Christianus: non cadit; & si impellitur, & quasi everti-  
 tur, non cadit, nam quacumque quadratum lapidem ver-  
 teris, stat. Sic ergo conquadrimini ad omnes tentationes,  
 parati quidquid impulerit vos non euertat. Stantem te in-  
 ueniat omnis casus. Fortis, vt ait Cyrillus in Leuitic.  
 lib. 12. omnia tolerat, omnia suffert, & numquam cadit.  
 Huc pertinet quod lib. de Prouidentia vel Ethnicus  
 Seneca docuit: Non video quid habeat in terris Iupiter,  
 si conuertere animum velit, quàm vt spectet Catonem, iam  
 partibus non semel fractis stantem, nihilominus inter rui-  
 nas publicas relictum. Accedit Basilius Epist. 166. Et-  
 enim qui animo sunt inconstanti, illis, haud immeritò &  
 vita est inconstans; quibus verò animi sententia est solida,  
 semper constans ac eadem, consentaneum est istos vitam age-  
 re simili proposito congruentem.

CRUX MARCI, MARCIANI, & Sociorum  
Cruces ægrotantium.

*Instrumen-  
tum ac is  
benè mo-  
riendi.*

*Excitatio  
ægrotan-  
tis.*

**C**Orpus, quod variis rerum mutationibus, et  
porumque varietatibus non cedit, idem ac  
bi simile validum perseverat: anima quoque, quæ  
modò has modò illas patitur in carne sua infirmita-  
tates, & inter diuersas vicissitudines morborum e-  
dem semper manet, nec deiicitur, sed semper firma  
stat, benè habet, licet corpore non valeat, sicut de  
seipso censuit Augustinus Epist. 149. quàm iacens in  
lecto scripsit: *Quoniam & Domino placet, quid aliud  
dicendum est, nisi quia rectè sumus.* Consonat Augu-  
stino Basilius, & ipse æger, Epist. 60. *Ne igitur ad de-  
tandos pietatis agones defatigemur, neque per desperatio-  
nem, quæ iam decertata sunt, amittamus (non enim  
actu fortitudinis, neque modico quodam labore constantiæ  
animi specimen datur; sed quia corda nostra probat, longè  
nos ad prorogata probatione vult iustitiæ coronam adeptos  
demonstrare) dumtaxat constans ac fidelis seruetur animus  
noster, fidei nostræ propositum in CHRISTVM custodiat  
immutum.* Constantia laborantium atque ægrotan-  
tium sine patientia consistere nequit. Haud dubie  
languidum constantia reddit patientem, reddit pa-  
tientia constantem. CHRISTVS ipse summus seruus

tor patientiæ, constantiæque magister, firmus in cruce stetit, & tamen totus mundus versus & inuersus est, clareque satis ostendit inter mundanas varietates ac mutationes virtutem constantiæ atque patientiæ posse seruari. Solet interdum Deus domesticum rerum statum sursum & deorsum vertere, solet humores & qualitates corporum immutare, vt animum patientem & constantem exploret. Accidit hoc B. Iobo, in cuius elogium Spiritus sanctus ait: *Vir erat in terra Hus, nomine Iob, & erat vir ille simplex* Iob 1, 1. *& rectus.* Vir vnus erat, quia sibi similis, rectus, quia eiusdem tenoris, ac propositi tenax erat, cum tamen bonis omnibus ac valetudine corporis esset omnino priuatus. Quisquis malè habet, rectusque esse cupit, *cor suum dabit in similitudinem picturæ.* Satis benè Am- Eccli. 3, 28. brosius Epist. 82. *Assuesce vnus esse, vt vita tua quamdam picturam exprimat, eandem seruans imaginem quam receperat.*

#### Leuamen laborantis & ægrotantis.

**R**ex gloriosus, qui constantiæ suæ, dum pate- Virtus Eucharistia. retur, præclarum dedit argumentum, & simul exemplum, vt redderet sibi similes laborantes & ægrotantes, sacram condidit Eucharistiam, in qua sibi semper similis est, tenet eandem formam, & rectam



*Cant. 2, 9.* rectam quidem, in Hostia, cum stet perpetuo. *Ipsa stat post parietem nostrum, respiciens per fenestras prospiciens per cancellos.* Respicit ac prospicit per fenestras & cancellos accidentium, & excitat ad constantiam in labore & morbo suos. CHRISTVS in Eucharistiâ sic consecratus est, vt si frangatur Hostia, calix vertatur, inuertatur & effundatur, eius status & statura non minoretur, non minuatur: manet semper idem, & idem omnino in CHRISTO

*Ioan. 6, 58.* qui CHRISTVM participet in Sacramento. *Qui manducat meam Carnem, & bibit meum Sanguinem, in me manet, & ego in illo.* Septem alia Sacramenta certis verbis formantur, conficiuntur ac perficiuntur, & statim desinunt, Sacramentum verò altaris post factam consecrationem permanet ac perseverat, vixit constantiæ symbolum, cuius admirabili virtute constantes atque constantes homines in finem vsque perdurant, & in fine vitæ, sumpto Viatico, constantiam suam confirmant.

Gloriosum opus Artis Crucis & patientiæ,  
corona aurea & laureola.

*Honor alii  
artem be-  
nè viu-  
di & mo-  
riendi.*

**C**onstantia Martyrem facit: fecit & puerum Machabæum, qui cum variis promissis & minis alliceretur & deterreretur, vt vero Deo cultum debitum

debitum negaret, coleret falsos deos, audacter & simul constanter respondit, *Non faciam*. Hæc viri constantis responsio, cum tentatione graui pulsatur vt à Deo suo deficiat, & suis obsequium deferat. Hoc propositum laudabile, vt instar Martyris dicat; *Non faciam*: firmum & perpetuum votum; *Juravi, & stanti* <sup>Psal. 106, 8.</sup> *tui custodire iudicia tua*. Hæc firmitas & constantia ornauit martyrem Stephanum, qui vidit stantem in regno caelorum CHRISTVM, & ipse ad eius exemplum stetit. Satis benè Ambrosius in Psalm. 61. *Sacerdos præterit, Leuita pertransit, stetit ille, qui inflicta vulnera curauit*. Concludit: *Ideo Sacerdos non potuit coronari, Leuita non potuit, quia transferunt, & tanquam umbra præterierunt. Stephanus autem martyrio coronatus est; quia stantem videbat Dominum IESVM, immobilem, non prætereuntem. Immobiles ergo fide Stephanus immobilem CHRISTVM videbat; nullo erat mortis timore commotus. Non mouit se Stephanus, non mouit & CHRISTVS.*

Dignus corona & laureola, qui stetit immobilis, <sup>Laureola constantia.</sup> nec ipse instantis mortis timore se turbauit, sed fixus ac firmus permansit. Præcessit ille martyrio & virtute constantiæ simul coronatos laureatosque crucifixos & cruciferos, de quibus diuina Sapiencia loquitur: *Stabunt iusti in magna constantia aduersus eos,* <sup>Sap. 5, 1.</sup>

Hh

qui

qui se angustiauerunt, & qui abstulerunt labores

Cum perfidi homines præter spem videbunt

laureatos & coronatos, clamabunt: Nos insensati

tam illorum aestimabamus insaniam, & finem illorum

honore. Ecce quomodo computati sunt inter filios Dei,

inter Sanctos fors illorum est. Hæc dignitas, hæc

gloriosa virorum constantium est. Præditus virtutibus

constantia Ambrosius, qui cum rogaretur à suis

Deum pro longiore vita oraret, constantissime

spondit: Non ita inter vos vixi, ut pudeat me

nec timeo mori, quia bonum Dominum habemus.

Extrema  
verba morientis.

Prodeat in publicum spectaculum Exercitus  
CEM MILLIVM crucifixorum; in quibus, veluti  
speculo, vitæ humanæ & infirmitatis forma confi-  
citur.

E M